



ՆԵՐՍԵՍ ԱՐԲԵՊՍ. ՊՈԶԱՊԱԼՅԱՆ

Ք Ա Ր Ո Ջ

(Մայր տաճար, 5 հունվարի 1987 թ.)

«Յանուն Հօր և Որդույ և Հոգույն Սրբոյ. ամեն»:

«Խորհուրդ մեծ և սքանչելի, որ յայս ատուր յայտնեցաւ: Հովիւքն երգեն ընդ հրեշտակս, տան անտիս աշխարհի» (Ծառական):

Սիրելի հավատացյալներ, Ծրագալույցի այս երեկոյան մենք խմբվել ենք Սուրբ Տաճարի կամարների տակ, միասնաբար ստանալու ողջույնը և ավետիսը Քրիստոսի Ծննդյան: Ինչպես սրանից 2000 տարիներ առաջ Բեթղեհեմ քաղաքի շրջակայքում իրենց հոտին պահպանություն անող հովիւներ պարզ ու խոնարհ գիշերվա մեջ հանկարծ վաշխեցին Աստվածային հրաշալի տեսիլքը: Երկնքի դռները բացվեցին հանկարծ նրանց աչքերի առջև, և հրեշտակներ քուն թե արթուն երկնքից երկիր իջան, բոլոր շեփորներ հնչեցին և քաղցր ձայնը հրեշտակների լցվեց արտերը մարդկանց, դաշտերը բոլոր: Աստվածային հրաշալի պատգամով, հավիտենական պատգամով, որ ինչքան այդ օրերին այժմեական էր մարդկության համար, նույնքան այսօր, և կհավատանք, որ վաղը այժմեական պիտի լինի հանուր մարդկության համար:

Այդ հրեշտակները երկնքից իջնող ավետում էին հովիւներին հետևյալ բառերով. Փառք բարձունքներում Աստուծո, երկրի վրա խաղաղություն, մարդկանց մեջ՝ հանություն: Հին աշխարհի մարդիկ Քրիստոսի ծնունդից առաջ չգիտեին ճշմարտությունը: Այս կամ այն կրոնի ճամփով իրենց տրվում էր մի նշույլ ճշմարտության: Բայց նրանք չէին կարող իրենց հոգիները բացել և ամբողջությամբ տեսնել և ըմբռնել Աստվածային գթասրտությունը, Աստուծո սերը և Աստուծո ողորմությունը իր ստեղծած մարդկանց հանդեպ: Այդ սերը, այդ ողորմածությունը և այդ հայրական զգացումն է, որ տվեց աշխարհին մեծագույն պարգևը աշխարհի պատմության մեջ՝ Աստվածորդին: Եվ Աստվածորդին իսկապես մարդ դարձավ, ծնունդ առավ Սուրբ Մարիամ կույսից և որպես մարդ ապրեց այս աշխարհի մեջ 33 տարիներ: Բայց նրա ապրած կյանքը մեր կյանքին չէր նմանվում, որովհետև մենք հողեղեն արարածներ ենք, նա՝ հոգեղեն: Բերավ Աստուծո հաշտությունը մարդկության և նույնիսկ Քրիստոս ուսույց մեզ բոլոր կրոնների մեջ ամենա-



վսեմագույնը՝ Գույնիսկ կարողանալ սիրել մեր թշնամին:

Սիրելի հավատացյալներ, այս երեկո, որ մենք Ծրագալույցի այս պատարագի առթիվ հաղորդվում ենք մեր Եկեղեցու, մեր անցյալի, ինչպես նաև Քրիստոնեական ավանդությանը և պատմության հետ, ինչքան լավ է, որ մենք անդրադառնանք և մի անգամ ևս տեսնենք, թե Քրիստոսի ծրնունդը ինչպիսի հրաշալի բարիքների, երջանկության, եղբայրսիրության և ընդհանրապես սիրո առիթ հանդիսացավ մարդկության համար անցյալին և հանդիսանում է մինչև այսօր: Եվ այդ պատգամը ամեն գիտակից մարդու արտի մեջ կրկին անգամ հնչում է, ժամանակ առ ժամանակ անդրադառնալ տալու համար նրան, թե նա առանձին մի էակ չէ, ամբողջության մեկ մասնիկն է, և այդ իսկ պատճառով անհատը պարտավոր է իր նմանները սիրել, բերել խաղաղություն՝ իր շրջապատին. և՛ համերաշխություն, և՛ սեր, և՛ եղբայրություն: Ներկա ժամանակներում մենք բոլորս շատ լավ գիտենք՝ քաղաքական ասպարեզի վրա ինչպիսի դժվարին, ինչպիսի փոթորկոտ վիճակ է տիրում: Եվ անհրաժեշտ է, որ մարդիկ կարողանան հասկանալ միմյանց: Ինչքան անհրաժեշտ է, որ պետությունների ղեկավարները իրար կարողանան հասկանալ: Կարծեք թե Բաքեյոնի աշտարակի շինության շրջանն է. մեկը խաղաղության մասին է խոսում, մյուսը ատելություն է հասկանում, որովհետև կասկածը տիրել է

հոգիներին, արդարությունը և սերը միանգամընդմիջտ փախել են մարդկանց մեջից, և մարդկանց հոգիները կարծեք թե սնանկացել են, վատահոությունը կորցրել են իրար հանդեպ: Ինչքան անհրաժեշտ է, որ մենք՝ քրիստոնյաներս, ավելի արտեռանդ աղոթենք, որպեսզի Աստված մեր ձայնը լսի, մեր աղերսը լսի և փափկացնի այն մարդկանց արտերը, որոնք չեն զգում Աստվածային խոսքի քաղցրությունը, թեև իրենք իրենց երբեմն քրիստոնյա կամ հասկացող, ըմբռնող են կոչում: Թող Տերը մեր աղոթքների միջոցով նրանց արտի դռները բխի՝ զգալ տալու համար նրանց, որ այս աշխարհը Աստուծո ստեղծած աշխարհն է, և այս աշխարհը և մարդիկ կապրեն ինչպես Աստված կկամենա:

Սիրելի հավատացյալներ, Ծննդյան այս երեկոյան բոլորիդ շնորհավորում եմ, «Քրիստոս ծնաւ և յայտնեցաւ» ասելով ձեզ: Նաև մեր բոլորիս արտի պարտքն է, որպես Մայր Աթոռ Սուրբ Էջմիածնի միաբաններ, շնորհավորել մեր Վեհափառ Հայրապետին, մաղթելով, որ մարդացյալ Փրկիչը պարզի մեր Հայրապետին այն, ինչ որ կցանկանա նա: Նրա ցանկությունը աշխարհի խաղաղությունն է, մեր Եկեղեցվո խաղաղությունը, մեր ժողովուրդի բարությունն է և, ընդհանրապես, համայն մարդկության եղբայրությունը: Թող ծնվող Փրկիչը երջանկություն, խաղաղություն և եղբայրություն բերի այս աշխարհին այժմ և հավիտյանս հավիտենից, ամեն:

